


中國地方志集成

省志輯·江西 ⑦

光緒江西通志(五)

鳳凰出版社●上海書店●巴蜀書社



光緒江西通志(五)



(清) 劉坤一等修
(清) 趙之謙等纂

江西通志卷一百四十三

列傳十 臨江府

漢

孔恂字巨卿新淦人爲州別駕車制舊有屏星如刺史車式刺史行部發傳晏移怒欲撤別駕屏星恂曰使君傳自晚發欲撤屏星毀國舊制別駕可去屏星不可撤即投傳去刺史追謝乃止林

晉

留京臨江郡人孝行推於鄉里時江水暴漲居民皆漂溺京負其母號泣忽有大龜至其前舉家七口俱上龜背行十許里及於高岸遂失龜豫章書引九江記謝林志不載

江西通志卷一百四十三 列傳

一

楊羨新淦人爲湘州刺史引桂陽羅含爲主簿含愀然不顧羨招致不已辭不獲而就焉及羨去職含送之到新淦晉書羅含傳

唐 南唐附

魯季文清江人貞元閒盧父母墓江水遠不可汲忽一虎於盧側跑地得泉人以爲孝感名其坊曰虎泉今爲孝感坊云林

楊彥伯字鼎臣新淦人大順閒擢童子科昭宗親試之彥伯應對詳雅上曰劉晏之徒也以詩賜之後爲安福令州以異狀聞賜緋魚厯官門下侍郎林

袁鳴臨江人以事親居喪著旌表門閭賜粟帛州縣存尚復賦稅新唐書李友傳 詳案江西之臨江軍置自宋初前此未聞也 晉有臨江縣屬益州巴郡

唐有臨江郡屬南道冀州孝友傳總敘臨江表鳴列建昌熊士瞻贛縣謝俊之開當爲江西人縣志謂史家從後追書近之晉之留京或臨江縣人也九江記亡於北夫不可攷矣

宋

鄧佑弟佑新淦人佑擢南唐童子科佑登三禮科鄉人易其鄉曰揚名里曰雙秀林

曾文照新淦人七歲應南唐童子科擢第三李氏歸宋爲亳州永城令上疏論邑利害免挽船夫力歲以萬計遷蒙城蝗不入境終大理司直白志 謝志 齊案 曾文照林志重見吉安人物

孫冕新淦人雍熙進士天禧末守蘇州王欽若出鎮餘唐今改入宋照與昭未詳孰是

杭素與冕友棧舟吳門佯醉謂冕曰兄淹遲日久當別置委曲冕正色拒之欽若愧謝後謝郡歸九華山召竟

不起林

江西通志卷一百四十三 列傳

二

曾乾度字順承文照子涪化進士兩任推官三典州縣未艾乞祠起知筠州竟謝事歸林志 謝志 齊案 曾志 若恩相兩朝無可紀之蹟正臣因恭確 薦爲御史領陷蘇賦俱有玷人物今削

蕭律字調元新淦人景德二年賜明法及第爲廣州司法民有犯劄論及流死者百餘人律以狀聞罪止於杖

守汀州以風邑上杭多嵐瘴奏遷縣治於平曠之地仕

者免客死徙潤州以江道紆回風濤爲患開直道通舟

嶺省淘河工五萬壘書褒諭累官金部員外郎林

蕭諤新淦人以詩易二經教授鄉里訓四子博學有名

皆登第林

丁雋字德偉新淦人通春秋時號了三傳事親至孝篤

宗族五世聚居踰二百口均愛如一大中祥符間旌其門志

宋玘字子美新淦人鄉貢至京夜夢一僧語曰公才高當摧第惜壽不永若速還可延翌日即南歸不復進取人推為鄉先生三孔皆出其門志

蕭賀字慶之諤長子咸平進士屢官御史負直聲臺有樗木或曰樗凡材宜易柏賀曰道有不直官惟其人作宥穉賦終職方員外志

劉立之字斯立式子大中祥符進士為連江尉累官湖北路轉運使坐事免起連水軍會西南蠻獠叛諸路請益兵上問立之因備言可蓄不可捕狀卒如其議尋遷益州路轉運使子做放為時名臣志

式字叔度南唐進士入宋仕終刑部郎中有子五長立本官下蔡令次立言歷九官皆稱治次即立之又次立德官至光祿卿次立禮兄弟五人皆進士立德五世孫州之清之立禮五世孫誠之性之自有傳

蕭貫字貫之諤仲子與弟貫同登大中祥符第仁宗初官大常丞出知洪饒二州時有撫州參軍孫齊者出其妻杜氏娶周氏入蜀復納倡陳氏并挈周所生子之官未幾周亦至齊怒手刃其子周訴州及轉運皆不受理或告之曰訴洪州蕭使君白矣周乃馳告撫非貫所部特檄治之雖更赦猶論齊編管遷兵部員外郎召試知制誥卒有文集二十卷志

楊中孚字宜卿新喻人天聖進士乙科上饒丞入為太常少卿遷光祿卿正色立朝與王安石論新法不合出知濟州多善政監司皆新進申以舊人崎嶇不樂仕遂乞

歸呂大防表所居為耆德坊志

陸起新淦人慶歷進士為英州真陽令有巫以銀瓮貯二蛇自嶺北至真陽誘民迎且祠焉觀者填路起聞驟至蛇所亟令出瓮斬之捕巫劾其姦遠近稱為神明仕至員外郎志

劉做字遠父臨江人舉進士甲科通判蔡州召試還直集賢院判尚書考功仁宗賜夏竦諡曰文正做言竦之行邪而諡之以正不應法疏三上仁宗為更竦諡同修起居注尋遷右正言知制誥奉使契丹素知山川道里遠人歎其博物使還求知揚州徙鄆州糾察在京刑獄嘉祐四年給享羣臣上尊號做言非古仁宗然之請外知永興軍召還翰林治平中判太常丞改集賢院學士

判西京留司御史臺卒年五十做為人明白俊偉博學自信自六經諸子百氏下至傳記小說無所不通為文敏贍在西掖時一日追封皇子公主九人做將下直為之立馬卻坐一揮九制文詞典雅各得其體在長安得先秦古器數十愛其款識文字奇古因以考知三代制度與先儒所說不同者著春秋傳權衡說例意林總

四十卷文集六十卷弟子記五卷七經小傳五卷志

史以爲貴州臨江人考臨江軍建於宋前化三年領州新淦尚隸吉州其後乃分二州之地置臨江軍故袁吉得並稱

劉放字貢父與兄做同學遂偕中進士調江陰簿為國子監直講趙槩薦放可備文館召試優等熙甯初知太

常禮院神宗手詔推求太祖諸孫屬行尊者為王以奉
太祖後放曰禮諸侯不得祖天子太祖傳天下於太宗
繼體之君皆太祖子孫不當別為太祖置後臣以謂太
祖子惟德昭德芳二人宜從其後世世勿降爵宗廟祭
祀使之在位則陛下衰場藝祖休顯著明矣考試開封
府進士程文有用小畜字者王介謂犯神宗嫌名放曰
此六畜之畜亦嫌名也因紛爭御史劾之遂出通判秦
州代還為集賢校理判登聞鼓院三司戶部判官知曹
州曹素多盜朝廷立重法而盜不息放曰民不畏死奈
何以死懼之至則尚寬平務在不撓視官屬如子姓歲
中盜賊衰息召為開封府判官元豐初出為京東轉運
使罷知兗州徙亳州元祐初召為祕書少監以疾求補

江西通志卷一百四十三

五

外召拜中書舍人卒年六十七所著文集暨五代春秋
內傳國語經史新議東漢刊誤詩話錄芍藥譜漢官儀
凡百卷東都事略

蕭映字仲景新喻人天聖進士筮仕吉水成惠並行邑
大治每歲輸詣郡皆沂流而上映請築倉近郭以便輸
將後知道州終屯田郎中林

蕭固字幹臣新喻人天聖進士授太常博士通判虔州
諸邑剽劫固授成算不踰尺誅縛殆盡璽書獎諭改知
桂州兼廣西轉運使時儂智高侵邕州廷議皆欲進討
固知智高凶狡預陳羈縻之策於樞府不果用後智高
果叛人服其識交州貢麒麟固力諫卻之累官集賢殿

修撰人物志

歐陽賓字國華新喻人五經出身宜黃尉時盜夜殺人
舟中無所掠而去賓疑之呼死者妻詰之色動乃姦夫
也捕實於法再遷虔州左司理多所平反四遷為比部
員外郎通判饒州林

孔延之字長源新喻人孔子四十六世孫慶應進士九
遷至司封郎中平生與周敦頤友善在廣西寬恤民力
舊賦緡於民歲至六百萬石程督與租稅等延之計歲
糴二十萬而足欽廉雷三州蠻戶為富人所役延之奪
使自為業者六百家皆著定令改荆湖北路提點刑獄

罷鼎州六寨戍兵千餘人諸子並以文章顯世號臨江
三孔人物志

胡向清江人皇祐進士自袁州司理歷審刑院詳議權
大理卿決獄仁恕所至無冤嘗倅越州奏課為天下第一

江西通志卷一百四十三

六

陳公炎字易卿新喻人皇祐初擢第知醴陵縣時朝廷
變鹽法吏緣為奸上疏蠲除之八遷至諫議大夫七十

致仕人物志
傅變字志康清江人嘉祐進士熙甯中由幕府累遷少
府少監專劇郡所至有聲尤博學藏書萬卷皆手自校

勘年八十好學不衰林
蕭注字巖夫新喻人由進士攝番禺令儂智高圍廣州
注突圍出募壯士得二千人連船乘風縱火焚賊舟破
之智高走大理禽其母與二弟募敢死士入大理智高
已死函首歸獻擢禮賓副使廣南駐舶都監知邕州尋

修撰人物志

貶鎮南節度副使會有訟注功者起右監門將軍州
都監熙甫初交人挫於占城眾不滿萬時謂可取以注

知桂州將圖招徠之策會遣沈起代之罷歸卒於道志
孔文仲字經父臨江軍新淦人也少刻苦問學號博洽

舉進士又舉賢良方正召試對策極論新法之害不為
王安石所喜黜不用哲宗即位為校書郎遷禮部員外

郎有建議皇族惟楊王荆王得稱皇叔餘疏屬當各係
其祖若唐人稱諸王孫之比文仲曰上新即位宜廣敦

睦之義不當疏開骨肉議遂寢擢起居舍人拜左諫議
大夫論青苗免役之法為首困天下論保甲保馬茶鹽

之法為遺整留蠶遷中書舍人卒年五十文仲學識高
遠天資獨介寡言笑少所合有文集五十卷

江西通志卷二百四十三列傳
文仲字經父臨江軍新淦人也少刻苦問學號博洽

元豐八年叔姪兄弟連第時號四謝以儼三孔舉廉字
南康有善政尤工於詩所著有藍溪集

新淦人府志通志作新喻考到奔序載謝世充言曰
占數臨江之新淦於茲為十世則四謝實新淦也

蕭從字從義新喻人元豐進士分宜令遷宗學博士權
御史臺主簿蔡京欲處以六察使排異己者從謝不能

乞郡除河南少尹擢陝西運判卒

李諒字仲詢臨江軍新喻人幼時父出其母日夕泣涕
求母還至絕葷茹鄉里稱孝舉進士累擢知制誥權三

司使建言天下賦入有常而用度日滋願一切裁抑之
又以商人入粟邊郡算茶與犀象為虛實三估坐耗官

帑請以寶錢參紐由是怨謗滋起出知洪州徙永興軍
累官知樞密院時權茶法寢壞復用詔法而官無濫費

諒性明達周知世務在樞府號為稱職卒贈右僕射諡
憲成

李巖臨江人元祐二年知東莞縣以能名邑東潁江田
每罹夏潦之害巖於西湖福隆右員司馬頭巾山牛渡

海諸處築長隄捍之民獲其利明年復築鹹湖隄十有
二延袤一萬六千八十丈田二萬餘頃至今賴之

劉奉世字仲馮敞子元祐初擢起居郎詔刪乾順為夏
國主以奉世使西夏遷天章閣待制樞密都承旨除吏

部侍郎權戶部尚書以樞密直學士僉書樞密院事罷
為端明殿學士知成德軍坐元祐籍責光祿少卿再貶

隰州團練副使郴州安置後移居道州徙光州復端明
殿學士知定州又知鄭州以言者落職提舉崇福宮以

舊職致仕

孔武仲字常父文仲弟舉進士為禮部第一元祐初為
祕書省正字遷著作郎論科舉之弊詆三經新義請復

詩賦取士遷國子司業侍講邇英數月拜中書舍人直
學士院時議祠北郊久不決武仲請用純陰之月親祠

如神州地祇遷禮部侍郎出知洪州移宣州坐元祐黨
奪職居池州卒所著詩書論語說金華

制雜文共百餘卷

孔平仲字毅父文仲弟舉進士元祐中入館選即出為
京西路提點刑獄坐黨籍謫知韶州又責惠州別駕英

州安置徙單州團練副使饒州居住徽宗即位召還為戶部員外郎遷金部郎中出使陝西帥鄜延環慶奉祠

而卒平仲有史學著續世說行於世東都事略

胡靜字應侯向之子磊落有大志讀兵書應武舉試秘閣為第一從西師入夏界修羅九城破賊於賞道嶺勇

冠三軍以功加開門祗候累遷秦州東路諸漢巡檢林

陳竑字君度新淦人元祐進士鎮安軍節度使排官都

頻年忠水因條陳全城隄決溝澮等事會詔釐正祀典

竑悉毀淫祠又常率同僚瘞枯骨之無歸以籍沒產給

寓喪於佛祠者兄弟三人以父蔭敘相遜自取科第終

以直氣不撓罷人物志

郭奉世字少馮新淦人元祐進士羅田令改知永新有

異政秦和民素苦令詣漕司乞更奉世永新之民遮留

不可乃寓兩界兼理之山東盜起擢知密州破巨盜張

海等數萬五遷至徽猷閣待制移守襲慶金兵再至有

旨以徐兗兵赴關和議成退保毫移軍於濟謝事歸

里林志

張仲友世家新淦元祐末父早喪事母至孝人呼為張

孝子鄉先生宋玘為作傳劉次莊書於戲魚堂林志

李大有字仲謙新淦人紹聖進士累擢中書門下省檢

校公事權給事中守虔州宣和末金人犯京詔諸道勤

王大有募義勇五千人入援後守三衢有寇猖獗下車

即平林志

李邁字彥思臨江軍清江人以父任為太廟齋郎用薦

擢提轄環慶路糧草通判河間府以忤蔡京貶換右列為遼國賀正副使還以上書言契丹不可滅免官久

之進都大提舉京西汴河隄岸改知嚴州代還貫欲以

西師入燕遂復語貫曰方臘小醜一呼屠七州四十餘

縣竭數路之力而後能平之殆天以此警公也何可遷

移之北乎因密教貫陰佐契丹以圖金人貫不能用乃

乞致仕貫收復燕山奏遣知涿州改易州皆辭不赴歎

曰禍自茲始矣金人犯京師詔趣入見既至上言种師

道宿將石重名二敵所畏朝廷自主和議而盡以諸道

兵界師道視敵為進退將在軍中君命有所不受使見

可擊而進勝固社稷之福不勝亦足使敵知吾將帥有

以國為任者上稱善而耿南仲方主和議不合乃以邁

為京城西壁守禦使邁言姚平仲敗績而敵猶不敢留

是畏我也不以种師道再戰已失機會尙可尾其行及

河半渡擊之猶足為後戒議復格三上章致仕不允權

樞密副都承旨出為河北西路制置使守真定拜青州

觀察使仍知府事金人至邁乞師於宣撫副使劉幹且

間道走蠟書上聞皆不報城被圍且戰且守相持四旬

城破邁巷戰不克將赴井左右持之不得入幹離不火

燎其鬚眉及兩髯亦不顧乃拘於燕山府金人命邁被

髮左袒遺憤詆毀甚力金人搃其口猶吮血嘆之翼日

自去髮為浮屠遂遇害將死顏色不變南向再拜端坐

就戮贈招化軍節度使諡忠壯宋史

胡聖隆字臧之於書無不讀恥為王氏學不事舉業自

江西通志卷二百四十三

九

江西通志卷二百四十三

十

號瀟灘居士賢士大夫樂與游政和初以白衣上封事

召未及對而卒志林

胡洵直字次魚新喻人宣和間以貢入京著中興策二

十五篇後舉進士累官湖南提刑司幹官深於詩凡子

史靡不涉獵有蘭谷集十卷志林

蕭建功字懋德新淦人嘗從陳了翁權遊瑾器重之時

李樸謫歸貧不能自給建功為築室居之樸死以女妻

其子或聲曰若李綱薦其操行累官知衡州刻思賢堂

法帖三十卷人物志謝志舊案宋時未有缺江縣人

向子諱字伯恭臨江人欽聖皇后從姪也補承奉郎宣

和初除江淮發運主管文字有欲浚河與江淮平者子

諱言河高江淮數丈而欲濬之使平決不可曩有司三

日一啟開復作堰儲水故水不乏比年行直達之法啟

閉無節堰開率不存今復故制嚴禁約則無患使若用

其言濬復通進秩一等為京畿轉運副使尋兼發運副

使金人犯亳州子諱以書遺金人言兵勢逆順令退保

河外金人遽以毫宋等州守禦所牒報之約日索戰諸

道兵畏縮不進時康王次濟州子諱遣進士李植獻金

帛及本司錢穀之在濟州者以助軍費張邦昌僭位使

其甥劉達齋手書來子諱不放封焚之械繫達於獄遷

直龍圖閣江淮發運副使以素為李綱所善故黃潛善

斥之起復知潭州金人破江西移兵湖南子諱聞警報

率軍民死守金人圍八日登城縱火子諱率官吏奪南

楚門遁坐敵至失守落職賈收言子諱督兵巷戰又收

潰卒復入治事帝亦以子諱與他守臣望風遁者殊科

詔復職移鄂州主管荆湖東路安撫司劇盜曹成據攸

縣子諱軍於安仁單騎入賊中諭以國家威靈成不服

執子諱歸會馬廣遣人持吳敏檄諭成成許受招始釋

子諱詔提舉江州太平觀起知廣州尋移江州改江東

轉運使徙兩浙路都轉運使除戶部侍郎以徽猷閣直

學士知平江府金使議和將入境子諱不肯拜金詔上

章言自古人主屈己和戎未聞甚於此時宜卻勿受忤

奏檜意乃致仕退閒十五年號所居曰蕪林卒年六十

八宋

歐陽元暈字宏中新喻人少有遠志與弟邦昌入青原

山著決勝兵要經進於上時傅秀通信兩宮奏元暈與

俱假從事即以行使還自甯鄉令轉陽山有盜結獠獠

為暴元暈率三鄉民兵屯富連巖佛寺盜夜劫寺與戰

不利被殺人物志

歐陽邦昌一作字德升靖康間在太學張邦昌僭號或

勸避諱答曰吾知有國諱耳遂辭歸後以恩科終丞瀆

令人物

謝磐字安國累舉廷對高宗作損齋誓言未能損者八

有司以言許置第二時稱八損狀元人物志謹案新

孫

蕭燧字照鄰臨江軍人紹興進士授平江府觀察推官

時秦檜當國其親黨密告燧秋試必主文潛臺燧詰其

故曰丞相有子就舉欲以屬公燧怒曰初仕敢欺心邪
檜懷之調靜江府察推而歸孝宗初除諸王宮教授累
遷至國子司業進起居郎先是察官闕朝論多屬燧以
未歷郡縣遂出知嚴州嚴地狹財匱始至官銀不滿二
千燧儉以足用二年之間積至十五萬以其羨補積通
諸色皆寬移知婺州父老遮道幾不得行娶與嚴鄰人
熟知條教不勞而治除吏部右選侍郎旋兼國子祭酒
除權刑部尚書充金使館伴十年兼權吏部尚書高宗
山陵充按行使除參知政事尋充永思陵禮儀使權知
樞密院以年及自陳除資政殿學士提舉洞霄宮卒年
七十七諡正肅子遠瀛熙進士唱名第四累官至太常
史

江西通志卷一百四十三

列傳

向浩字子源子謹仲子常從胡五峯游端重有父風倅

邵陽未幾卽挂冠歸林志白志舊案

謝諤字昌國臨江軍新喻人紹興進士調夷陵縣主簿

未上撫之樂安多盜監司檄諤攝尉條二十策大要使

其徒相糾而以信賞隨之羣盜果解散金渝盟諸軍往

來境上選行縣事有治聲改吉州錄事參軍歲大侵饑

民萬餘求陳官吏罔措諤植五色旗分部給糶頃刻而

定知袁州分宜縣縣積負於郡數十萬歲常賦外又征

緡錢二萬餘諤乃疏其弊於諸監司請免之以憂去服

闕除幹辦行在諸司糧料院尋擢監察御史奏減袁州

分宜秀州華亭月椿錢諤里居時創義役法編爲一書

至是上之詔行其法於諸路民以爲便光宗登極獻十

箴又論二節三近所當節者曰宴飲曰妾費所當近者
曰執政大臣曰舊學名儒曰經筵列職除御史中丞權
工部尚書請祠以煥章閣直學士提舉太平興國宮而
歸卒年七十四贈通議大夫諤爲文傲歐陽修曾鞏初
居縣南之竹坡名其燕坐曰良齋人稱良齋先生

宋史

羅蒙新喻人母病篤蒙私誓剔肝以救母刃刺入胸腹

輒摧鋒取獮灰傅之血立止復顧天曰如母疾不愈當

易刃旣而母病少差後竟平復陳秉聞而賢之爲作里

孝傳林志白志舊案新喻有歐陽蒙者因郡

孔括字端中新淦人父叔三人曰源曰淑曰滋相繼登

第鄉里亦號三孔括乃淑之子嘗令滄安廉介市號美

醞曰滄安清時以此況之名聞行在所高宗題殿柱曰

吏師孔括歲滿百姓留之上諭宰相曰可轉一官令再

任終濠州守

劉颯年字且老新喻人放曾孫蔭從仕郎峽州司戶參

軍改錢塘簿累遷道州軍事判官守李南壽言於後守

曰判官賢不求人知恐君或失之也改宣教郎通判沅

州蠻人侵掠無甯歲颯年按法立約恩信不爽遂帖服

後乞祠階以歸

董良史字邦直新淦人紹興二年鄉薦第一判洪州時

江西逆判張常先嘗憾帥臣張安道陷諸遷客冀得良

史證其事持不可移倅鄱陽秦檜當國任常先爲鷹犬

莫敢有忤其意者良史卒不阿論者偉之

人物志

鄒惇禮字和仲新淦人紹興二年中湖南北試第一授
宜春法曹開軒種竹以自娛善書得顏柳法人皆寶藏
之所著有北窗集人物志

李維芑字仲彰清江人紹興中知新城縣以愛民爲本
民之利病纖悉洞究省徭役興學校以儒術飾吏治民
立祠祀之明一統志

劉清之字了澄臨江人受業於兄靖之紹興進士調萬
安縣丞時江右大侵郡檄視旱徒步阡陌親與民接凡
所蠲除具得其賈州議減常平米直清之曰此惠不過
三十里內耳外鄉遠民勢豈能來老幼疾患之人必有
餓死者乃請均境內之地爲八俾有粟者分賑其鄉官
爲之主規畫防閑民其賴之詔吏部銓知宜黃縣丞相

江西通志卷一百四十三 列傳
周必大薦之召對首論民困兵驕大臣退託小臣苟媮
又言用人四事一曰辨賢否二曰正名實三曰使材能

四曰聽換授改太常寺主簿通判鄂州改衡州先是郡
飾廚傳以事常平刑獄二使者月一會集互致折餽清
之歎曰此何時也與其取諸民孰若裁諸公吾之所以
事上官者豈以酒食財貨爲勤哉至之日兵無糧官無
俸上供送使無可備已而郡計漸裕民力稍蘇嘗作論
民書一編詞意質直簡而易從念士風未振每因月講
復其酒肴以燕諸生相與輪情論學來者日眾增築臨
蒸精舍居之作朱陵道院祠張九齡韓愈寇準周敦頤
胡安國於左祠晉死節太守劉翼宋死節內史王應之
於右邵使者以清之不能媚己誣以勞民用財論罷歸

築槐陰精舍以處來學者光宗卽位起知袁州而清之
疾作猶貽書執政論國事周必大來視疾謂曰子澄其
澄慮清之氣息已微云無慮可澄遂卒初清之既舉進
士欲應博學宏詞科及見朱熹盡取所習焚之慨然志
於義理之學所著有曾子內外雜編訓蒙新書外書戒
子通錄墨莊總錄祭儀時令書續說苑文集農書宋史
徐夢莘字商七臨江人紹興進士爲南安軍教授改知
湘陰縣會湖南帥括田號增耕稅他邑奉令惟謹夢莘
獨謂邑無新田租稅無從出尋主管廣西轉運司文字
時朝廷議易二廣鹽法遣廣西安撫司幹官胡謝志廷
直與東西漕臣集議於境夢莘從行謂廣西阻山正當
仍官般法則害不及民廣東諸郡並江或可容客販未

江西通志卷一百四十三 列傳
宜速以二廣概行議與廷直不合夢莘既知賓州猶以
前議爲梗法罷去不謝志三年二廣商賈毀業民苦無
鹽復從官般法矣夢莘恬於榮進每念生於靖康之亂
思究見頓末乃網羅舊聞會萃同異爲三朝北盟會編
二謝志百五十卷自政和七年海上之盟迄紹興三十
一年完顏亮之斃上下四十五年凡曰救曰制詰詔國
書書疏奏議記序碑志登載靡遺帝問而嘉之擢直祕
閣平生多所著有集補會錄讀書記志集醫錄集仙錄
皆以儒學冠之卒年八十二弟得之字思叔清熙進士
部使者以廉吏薦以通直郎致仕安貧樂分不貪不躁
著左氏國紀史記年紀作具敝篋筆略鼓吹詞柳江志
從子天麟字仲祥間補進士調撫州教授歷湖廣總領

所幹辦公事臨安府教授武學博士輪對言人主當持
心以敬通判忠潭二州權英德府所至有惠政著西漢
會要七十卷東漢會要四十卷漢兵本末一卷西漢地
理疏六卷山經三十卷

宋史

張紱字子儀清江人紹興進士主豐陽簿爲政廉勤綽
有時譽調衡州錄事參軍改宜春丞爲人孝友自衡扶
輿歸值秋旱舟不能前禱神江忽暴漲衡人異之子治
自有傳

宋志

章穎字茂獻臨江軍人以兼經中鄉薦孝宗嗣服穎爲
萬言書附驛以聞禮部奏名第一調道州教授作周敦
頤祠會宜章寇亂郡僚相繼引去穎獨留寇平郡守奏
穎有協贊之功召對除太學錄初任郎召對者白穎始

江西通志卷一百四十三

列傳

七

臨江府

遷太常博士光宗初遷左司諫屢疏請上問安重華宮

甯宗卽位除侍御史尋權兵部侍郎韓侂胥用事穎侍
經幃上曰諫官有言及趙汝愚者卿等謂何同列設無
可否穎奏言天地變遷人情危疑加以敵人媢侮國勢
未安未可容易進退大臣願降詔宣諭汝愚無聽其去
不報羣御史劾穎阿私罷太學生周端朝等六人伏闕
辨汝愚被誣且謂章穎言發於忠端朝等皆被罪自是
羣論遂起矣侂胥誅除集英殿修撰遷刑部侍郎尋升
禮部尚書乞去奉祠卒年七十八贈光祿大夫諡文肅

宋史

彭龜年字子壽臨江軍清江人七歲而孤及長得程氏
易讀之至忘寢食乾道進士授袁州宜春尉吉州安福

丞除太學博士遷國子監丞改司農寺丞進祕書郎兼

嘉王府直講光宗嘗親郊值暴風雨感疾久之疾平猶
疑畏不朝重華宮龜年以書譙趙汝愚且上疏言壽皇
之事高宗備極予道此陛下所親視也況壽皇今日止
有陛下一人聖心拳拳不言可知特遇過宮日分陛下
或遲其行則壽皇不容不降免到宮之旨其心非不願
陛下之來自古人君處骨肉之間多不與外臣謀而與
小人謀所以交關日深疑隙日大臣所憂者外無韓琦
富弼呂誨司馬光之臣而小人之中已有任守忠者在
焉惟陛下裁察居亡何光宗朝重華都人權悅尋除起
居舍人述祖宗之法爲內治聖鑑以進他日龜年又奏
臣所居之官以記注人君言動爲職車駕不過宮問安
如此書者又數十矣恐非所以示後有旨幸玉津園龜
年奏不奉三宮而獨出宴游非禮也屬上視朝龜年不
離班位伏地叩額久不已血漬鬢鬢光宗曰素知卿忠
直欲何言龜年奏今日無大於不過宮光宗曰須用去
光宗崩甯宗受禪是夕召對甯宗蹙頰云前但聞建儲
之義豈知遽踐大位龜年奏此乃宗祏所係陛下安得
辭尋除侍講遷吏部侍郎兼侍讀龜年知事勢將變會
暴風震雷因極陳小人竊權號令不時之弊遣充金國
弔祭接送件使初朱熹與龜年約共論韓侂胥之奸會
龜年護客熹以上疏見結龜年聞之附奏云始臣約熹
同論此事今熹既罷臣宜併斥不報迫歸兒侂胥用事
權勢重於宰相於是條數其奸尋以煥章閣待制知江

江西通志卷一百四十三

列傳

六

臨江府

權勢重於宰相於是條數其奸尋以煥章閣待制知江

陵府湖北安撫使乞祠以呂棐言落職追三官勒停嘉泰元年復元官以待制寶謨閣致仕卒所著書有經解祭儀五致錄奏議外制侂胄誅林大中樓鑰皆白其忠

詔贈寶謨閣直學士賜諡忠肅

楊解字正伯新喻人父沒盡以田園遜其兄紹興進士

吉水令歲饑亟發常平粟賑之累官司農少卿以直顯

謨閣知明州會海寇劫掠解捕禽之海道平改知簡國

卒子直清字叔裕永新令邑多強宗直清不為撓竟中

飛語按驗無狀改知平陽人

楊應字謙仲中之曾孫銳志於學鄉之後進多出其門

年四十方登第官車輅院上章乞歸人稱壽岡先生為

文典雅不尚艱深所著有壽岡集八卷

江西通志卷一百四十三

列傳

嚴時亨字亨父新喻人隱居不仕師事朱子有疑義問

答往復書帖今祠學宮縣志謹案舊志作嚴世父白

王光祖字仲顯臨江人孝友坦易喜讀書知衡陽受知

部使者辟守昭潭改瓊州暫病廣右鹽法不便光宗即

位以光祖為提舉兩路鹽盡行公私便之卒於官

楊扶字圖南新淦人性方介不苟合判袁州以爭訟事

忤郡將拂衣去官不復起自號竹溪居士胡忠簡周益

公皆與之游築室曰秀野忠簡為之記

向士虎字伯虎子譚孫七歲時聞祖誦陶靖節詩竦聽

若有所得及登仕果無宦情授茂名尉及瓜代不忍去

親側志不復仕丞相周必大以隱逸薦不就適意賦詩

每有物外之趣自號桂隱散人有桂隱集

彭鉉龜年次子以父澤錄用官為甯都幹辦累知贛州捐通賦二十萬擢直寶謨閣湖南漕所著臨川可否錄備寇議事錄

李仲發新淦人幼孤事二母俱孝生母侯氏病革仲發

割股肉手熟以進母啜之愈有橘產於庭二本合幹楊

萬里為榜於堂曰橘瑞謝諤記之侯氏沒萬里題其墓

曰李孝子生母侯孺人墓縣志白志舊案仲發林志

與此小異

曾三復字無玷臨江人乾道進士酒熙末為主管官告

院遷太府寺簿歷將作太府丞紹熙初出知池州改常

州召拜監察御史進起居舍人兼權刑部侍郎以疾告

老詔守本官職致仕三復性耿介恥奔競故位不速進

江西通志卷一百四十三

列傳

在臺餘兩年持論不隨不激其沒也士論惜之

案三復人物志以

曾三聘字無逸臨江新淦人乾道進士調贛州司戶參

軍累遷軍器監主簿有旨造划車弩三聘謂划車弩六

人挽之而箭之所及止二百六十步今所用克敵弓較

之工費不及十之三一一人挽之而射可及三百六十步

利害曉然乃不果造光宗不朝重華宮中外疑懼三聘

以書抵丞相留正正未及言會以它事不合求去三聘

謂凡今闕庭之內父子夫婦之際羣臣莫敢深言者避

嫌遠罪耳丞相身退計決言之何嫌乎帝欲幸玉津園

三聘上疏言今人心既離大亂將作小大之臣震怖請

命陛下安意肆志而弗聞知萬一敵人謀知馳一介之

使問安北宮不知何以答之孝宗病革復上疏言道路

流言洵洵日甚臣恐不幸而有狂夫姦人託忠憤以行

詐假曲直以動眾至此而後悔之則恐無及矣帝意為

動及孝宗崩帝疾不能執喪朝論益震洵三聘謂今日

事勢莫若建儲甯宗立兼考功郎後知鄧州會韓侂胄

為相指三聘為故相趙汝愚腹心坐追兩官久之復元

官侂胄誅諸賢遭竄斥者相繼召用三聘祿不及終不

自言嘉熙間特贈三官直龍圖閣賜諡忠節宋史白

聘三復之常道途人史傳其明人文紀略正氣錄以爲

古水人者皆說人物志似以爲古水人又以爲城江人

復並見

陳琦字擇之清江人乾道進士初主衡陽簿辦雪冤獄

賑荒榔桂糴無躡籍民甚德之後為丞相留正辟主管

機宜文字在蜀二年事無鉅細多資焉卒於官琦為人

明敏縝密雖嚴而恕能文善古律有克齋集藏於家林

韋祺字濟川清江人學極該博乾道五年乙科對策餘

二萬言知甯化縣倅房陵遷知宜州所至剖決無滯獄

祖有田廬悉以讓兄時清江上流有桐塘陂坑受大江

之衝壞民田二千頃祺按故法為築隄防水五都之壤

皆為上腴人物志白志舊案詳明一

朱景文字元成清江人自幼讀書過目不忘經史百氏

蒐獵該貫為文立就雄贍豪爽如其人登乾道進士調

筠州司戶後調分宜簿未赴而卒林

劉誠之字子開少力學有大志乾道進士歷官州縣卓

有政績嘗為吏部郎後出提舉浙東常平除直祕閣知

江西通志卷一百四十三

三

平江府平反冤獄人以比錢若水云第性之字子仁登

乙科為廣東經略司幹官時蠻獠猖獗性之奉帥檄督

捕直擣峒穴禽其酋長後為荆湖制置司參議官擢知

峽州秩滿升監察御史終太府丞奉祠人物志

蔡浩然字養正清江人乾道進士為兩郡博士興學育

才郡臺皆器之改知安化邑抵溪峒素號難治視象未

幾去猶吏抑豪強溪峒悉安用薦授南安通判以疾奉

祠去人物志

曾三英三聘第嘗考三國六朝攻守事迹著南北邊籌

八十卷又著蒙史林

劉苟字子卿清江人嘗從胡寅於新州又從張九成於

南安凡有得二公緒言皆筆之名曰思問記酒熙中知

餘干縣未滿適周必大入相以苟為首薦改判德安知

盱眙軍所著有政規四十卷人物志

曾三異字無疑三聘弟少有詩名酒熙貢於鄉朝臣以

遺返薦召為祕省校勘辭再召奏事除大社令力求去

號雲巢先生作墨戲為世所稱著新舊官制通考通釋

等書人物志

徐筠字國堅得之長子早歲擢第初主攸縣簿後知金

州乞免本州和羅郡人刻石記其事又肖像以祀嘗為

漢官考四卷其餘若周禮微言姓氏源流等書皆藏於

家林

趙希循字叔慶元進士嘗以漢書七論受知於真德

秀樓鑰監進奏院以疾辭時相惜其去慰勞甚勤後知

江西通志卷一百四十三

三

汀州除直祕閣奉祠有會心錄林

張洽字元德清江人從朱文公學自六經傳注而下皆究其旨歸至於諸史百家山經地志老子浮屠之說無所不讀時行社倉法洽請於縣貸常平米二百石建倉里中六年而歸其本於官鄉人利之嘉定元年中第授松滋尉改袁州司理參軍有盜黠甚辭不能折會有兄弟爭財者洽諭之曰訟於官祇為胥吏之地且冒法以求勝孰與各守分以全手足之愛乎辭懇懇切訟者感悟盜聞之自伏民有殺人賄其子焚之居數年事敗洽治其獄無狀俄夢有人拜於庭示以傷痕在脅翌日委官上其事果然知永新縣一日謁告問獄中有哭聲蓋獄吏受財乘間訊囚使誣服也洽大怒亟執付獄以薦

江西通志卷一百四十三

刑部

通判池州時天大旱禱不應洽言於守請蠲徵稅催科以召和氣守為寬稅三日果大雨以病請祠袁甫提點江東刑獄以白鹿書院廢弛聘洽為長端平初除直祕閣主管建康崇禛觀以疾乞致仕卒年七十七平居不異常人至義所當為則勇不可奪居間不言朝廷事或因災變輒舉廢不樂及問一君子進用士大夫直言朝廷得失則喜見顏色所著書有春秋集注續通鑑長編事略歷代郡縣地理沿革表文集宋史人物志洽諱文憲傅實之字莊父清江人登寶慶第調分宜簿時祖母蕭氏壽百有八歲母楊氏亦八十餘蕭卒以嫡孫承重不赴官弟謙之字溫父開禧甲子以春秋首選當陞對亦以母老不赴兄弟怡怡承歡一室文行為鄉里所推學

者以南齋西齋先生稱之太守名其地為慶壽里後以薦召言事獻八箴十事俱稱旨授承事郎所著有春秋幼學記南齋記林

蕭則字則山新喻人紹定進士以史館校勘遷武學博士進太府丞求補外遂奉祠得肆力於文字碑銘記序得盤詰體工篆隸凡名勝扁額多其所書尤善吟咏有大山集弟泰來字陽山登紹定第累擢監察御史有小山集林

王選字少登清江人嘉熙進士授零陵簿東安盜起奉帥檢督捕盜平特差湖北帥幹尋改知醴陵生平力學飭行遠近師之人物

江西通志卷一百四十三

兵部

時襄陽失守郡當要衝兩被重圍竭力固守人皆效死卒完城轉朝請即以母老奉祠人物

陳茂濂字孟溪新淦人淳祐進士主新昌簿定版籍理稅畝邑黠吏有以賄恃勢邑屬者以法籍其家邑中肅然調郴州司理會文天祥領鎮湖南檄為憲幕天祥移贛州濂攝幹官護視司事累官至從政郎歸老於鄉

孔鑑字規祖臨江人少刻苦精於詞賦中年崇尚理學與修江李燾余宗傑為友每為一集質疑辨難剖晰精微後學宗之林

羅夢棧字德玉新喻人寶祐四年特奏名授靖安尉庚申元兵入境夢棧率民兵固守已而大至巷戰死之事

聞贈宣教郎蔭其子金鉉從政郎安志 義傳 清江 趙孟 致

者刺股愈母疾有司以駕孝旌其門同邑尚有劉師

文新喻何從新詮郭并蕭大臨弟人受俱以孝義解

徐卿孫字麟仲清江人景定進士才猷穎捷由善化主

簿愆官左正言薦李芾文天祥可共患難卒如其言林

黃祁字希宋清江人少孤力學自奮早以能賦稱郡博

士以其經明行修延入學宮為後進楷範累舉對策入

高等調高安簿時高安邑壯事繁令多分委予奪民德

之後歸老於家所著有德菴類聚三卷詩集二十卷集

錄十卷去

黎立武字以常新喻人咸道進士授隆興判官歲饑同

僚請籍富戶賑貧民謂殺一牛以活萬蟻立武駁之曰

萬蟻固可憐一牛何罪而死眾稱善乃止累遷國子司

業文華閣待制考試臨川得草廬吳澄時稱其知人其

學宗白雲郭氏人物志 白志 舊案 吳草廬 集元 中子

父母具存明年奉四親之官一時以為榮累官至國子

司業而宋亡傳中庶之學於新喻謝尚書平生著述悉

書無一傳者

范樟字德機清江人家貧早孤母熊氏守志不它適長

而教之樟天資穎異所誦讀輒記憶耽詩工文用力精

深入罕知者年三十六始答京師有聲諸公閒中丞董

士選延之家塾以朝臣薦為翰林院編修官秩滿御史

江西通志卷一百四十三

義

江西通志卷一百四十四

美

疾歸故里授湖南嶺北道廉訪司經歷以養親辭是歲

母喪明年以疾卒年五十九所著詩文多傳於世吳澄

以道學自任少許可嘗曰若享父可謂特立獨行之士

矣為文志其墓以東漢諸君子擬之元史 白志 舊案

書尤長於詩時 稱成楊范揭

黃圭字唐佐羅志仁字壽可宋末同領鄉薦元初有詩

名以薦圭授莆田丞志仁授天長書院院長廬陵劉辰

翁嘗稱之曰黃西月五言羅秋壺小詞它人莫能及也

人物志 謝志 舊案 林志 二人說入 宋安志 改定

晏壽先字仁效新喻人大德開為蒙山錫場提舉調武

昌令歲勞先白憲府免徵改揚州營田建議以歲賦責

成有司改德昌路總管府判州

黃贊字子敬臨江人其父君道延祐開求官京師泛濫

海為富商平章馬某家永平以女妻之初君道有二子

一女留江西贊既長思慕其父一旦稟命於母走永平

則父死三年家僮亦亡矣庶母聞其至棄所生兒於市

盡挾其貨以嫁人贊號哭取幼弟句乳於鄰媪哺之出

入必親抱負然莫有指其父葬處者贊日泣以語人曰

吾苟見庶母告以父墳所在死不恨遺財秋毫無所計

且徧懇於官府久之真定買惟貞出守永平贊往懇焉

守愴然哀之至正十一年聞庶母匪開元海濱亟襄賴

求之堅拒不見贊哭其門三日板父老恕之不獲已亟

曰得片軼乃葬處也言說不見明日掘地丈餘果有軼

庶母之弟曰此其處矣殮時有某物為驗朽棺殮時

物具在贊灌骨梁水負之而歸守與前奎章學士北平

李訥及僚佐下吏皆贈賻之說學齋集人物志不載今

采危素所撰真孝子傳增入素稱忠元利問趙來章

求其父於柳州不知葬處神具告之贊之事適相似

傳若金字與礪新喻人少貧刻勵於學能文章受業范

梈之門甫三十游京師虞集見其詩大稱賞之元統三

年介使安南乘傳至真定遠思之曰安南自陳日烜絕

王封朝廷降詔止稱世子今不然是無故王之也還白

中書更之至安南館姬侍卻之曰吾曹非陶鼓曷為以

此見汚使還授廣州教授卒說學齋集

簡正理字西碧新喻人以薦授御史喜應知班改太常

奉禮除石城尉歷永興新野桃源令居官廉介以儒術

飾吏治時譽翕然卒年五十說學齋集

皮縉字昭德清江人以父南雄總管蔭補邵陽丞考滿

歸田二十餘年朝命三召始起判平江路少受業於吳

澄之門其行也澄作序送之稱其博記覽工談論為儒

古今有桃源漁唱集吳文正

楊士宏字伯讓其先襄城人祖仲明以世官占籍清江

士宏嗜學工詩樂府著鑑池春草集及選唐音行世明

徐基字仕崇清江人得之裔早有才名吳澄示以為學

之方元統間薦為書院山長所著有玲瓏窗吟卷林

周自強字剛善臨江路新喻州人以文法推擇為吏奉

定開廣西洞徭反自強往見徭酋說以禍福中其要害

徭酋立為罷兵納款請命事聞特旨起授廣西兩江道

宣慰司都事轉饒州路經歷遷義烏縣尹周知民情而

性度寬厚不為刻深民有以爭訟訴於庭者一見即能

知其曲直未加刑責必反覆開譬之令其悔悟首實則

原其罪若怙惡不悛然後繩之以法不少貸民畏且愛

獄訟頓息民間田稅之籍多失實差徭不平自強出令

履畝數之文簿井井可考於是賦役平均貧富樂業政

治大行部使者數以廉能舉於朝以江州路總管致仕

杜本字伯原清江人博學善屬文江浙行省丞相呼喇

珠得其所上採荒策大奇之力薦於武宗召至京師未

幾歸隱武夷山中文宗在江南時聞其名及即位以幣